



REPUBLIKA E KOSOVËS
REPUBLIKA KOSOVA – REPUBLIC OF KOSOVO
KËSHILLI GJYQËSOR I KOSOVËS
SUDSKI SAVET KOSOVA - KOSOVO JUDICIAL COUNCIL

PANELI PËR LIRIM ME KUSHT-ODBOR ZA USLOVNI OTPUST-CONDITIONAL RELEASE PANEL

PLK. D. nr. 51/24

PANELI PËR LIRIM ME KUSHT, i përbërë nga Valdete Daka, kryesuese e Panelit, Burim Ademi dhe Argjira Asllani, anëtarë të panelit, me pjesëmarrjen e Mersime Mehmeti, u.d. koordinatorë të panelit, duke vendosur përkritazi me kërkesën e datës 25.01.2024, për lirim me kusht, të parashtruar nga E. V., për shkak të pesë vepra penale të bashkëkryerje Vjedhje e rëndë nga neni 327 par. 1 nën par. 1.1 lidhur me nenin 31 të KPRK-së dhe dy vepra penale Vjedhje e rëndë në tentativë nga neni 327 par. 1 nën par. 1.1 lidhur me nenin 31 e 28 të KPRK-së, i gjykuar me dënim unik me burgim në kohëzgjatje prej 3 vite dhe dënim me gjobë në shumë prej 400€, me aktgjykimin e Gjykatës Themelore Ferizaj, PK.nr.307/22, i datës 02.09.2022, në pajtim me nenin 90 të Kodit Penal të Republikës së Kosovës (Kodi nr. 06-L-074), nenin 116, 117, 118 dhe 119 të Ligjit Nr. 08/ L-132 për Ekzekutimin e Sanksioneve Penale, dhe nenet 9, 10, 11, 20 par. 1 dhe par. 2 pika 2.1 dhe neni 23, 25 dhe 26 të Rregullores Nr. 12/2023 për Punën e Panelit për Lirim me Kusht, në seancën e mbajtur me datë 20.02.2024, në selinë e KGJK-së në Prishtinë, mori këtë:

A K T V E N D I M

I. APROVOHET kërkesa për lirim me kusht për të dënuarin E. V. nga i ati H. dhe e ëma R., e gjinisë H., i lindur me datë ..., në fshatin S., Komuna Gj., ku edhe e ka vendbanimin, me numër personal ..., shqiptar, shtetas i Republikës së Kosovës.

II. E. V. do të lirohet me dt. 23.02.2024 për dënimin prej 3 vite, dhe do të jetë nën mbikëqyrje të Shërbimit Sprovues të Kosovës deri me dt. 14.09.2024.

A r s y e t i m

Me aktgjykimin e Gjykatës Themelore Ferizaj, PK.nr.307/22, i datës 02.09.2022, E. V. është shpall fajtor për shkak të pesë vepra penale të bashkëkryerje Vjedhje e rëndë nga neni 327 par. 1 nën par. 1.1 lidhur me nenin 31 të KPRK-së dhe dy vepra penale Vjedhje e rëndë në tentativë nga neni 327 par. 1 nën par. 1.1 lidhur me nenin 31 e 28 të KPRK-së, i gjykuar me dënim unik me burgim në kohëzgjatje prej 3 vite dhe dënim me gjobë në shumë prej 400€.

Në seancën e mbajtur me datë 20.02.2024, Paneli me rastin e shqyrtimit të dosjes së të dënuarit, ka shqyrtuar raportin përmbledhës të përpiluar nga ekipi profesionist i Shërbimit Korrektues të Kosovës, ashtu siç është përcaktuar në nenin 116 par. 6 të Ligjit Nr. 08/L-132 për Ekzekutimin e Sanksioneve Penale dhe nenin 11 të Rregullores Nr. 12/2023 për Punën e Panelit për Lirim me Kusht.

Pas vlerësimit të të gjitha të dhënave të paraqitura në shkresat e cekura më lartë, Paneli ka gjetur se:

Në raportin ligjor për të dënuarin vërtetohet se të dënuarit, data e përfundimit të dënimit i është caktuar më 14.09.2024 dhe nga llogaritja e dënimit rezulton se i dënuari deri më tani i ka mbajtur 2 vite, 5 muaj, 6 ditë, ndërsa i kanë mbetur edhe 6 muaj, 24 ditë, të cilat do të mbikëqyren dhe kontrollohen nga Shërbimi Sprovues i Kosovës.

Në raportet e tjera të përpiluara nga ekipi profesionist i Qendrës Korrektuese, rezulton se i dënuari ka vazhduar të tregoj sjellje të mirë gjatë mbajtjes së dënimit, ndërsa për procesin e risocializimit konstatohet se ka rrjedh shumë mirë.

Paneli konstaton se që nga shqyrtimi paraprak i kërkesës për lirim me kusht, i dënuari ka vazhduar me sjellje të mira, përkatësisht nuk ka të dhëna për shkelje disiplinore, si dhe konstatohet i ulët rreziku për recidivizëm dhe nda komunitetit. Në të dhënat për realizimin e programit të trajtimit të dënuarit, rezulton se i dënuari është i angazhuar në punë. Po ashtu, gjatë shqyrtimit të kërkesës për lirim me kusht, Paneli ka vlerësuar edhe premtimin e dhënë zyrtarit të Shërbimit Sprovues të Kosovës se do të bashkëpunojë me këtë shërbim deri në përfundimin e mbikëqyrjes së liritimit me kusht dhe se me një mbikëqyrje efektive i dënuari me lehtësi do të ri-integrohet në familje dhe shoqëri në pajtim me ligjin, andaj duke marr parasysh edhe kohën e mbetur në përpjesëtim me kohën e mbajtur të dënimit ngase ky person ka mbajtur më shumë se 2/3 e dënimit që nga data 14.09.2023, Paneli konstaton se mbajtja e dënimit ka arritur qëllimin e dënimit të paraparë sipas nenit 5 dhe 6 të LESP-së lidhur me nenin 38 të KPRK-së.

Paneli vendosi që ta lirojë me kusht personin e dënuar E. V., ai do të lirohet me kusht me dt. 23.02.2024 (e premte ora 16:00), nën kushtet e mëposhtme:

Brenda pesë (5) ditësh nga data e liritimit nga burgu të lajmërohet në Drejtorinë Rajonale të Policisë së Kosovës, përkatësisht të Shërbimit Sprovues:

1. të raportojë rregullisht në Shërbimin Sprovues deri me datën 14.09.2024;
2. në rast të ndërrimit të vendbanimit ta njoftoj Policinë dhe Shërbimin Sprovues;
3. të mos tentojë që të udhëtojë jashtë shtetit, pa miratimin e Panelit për Lirim me Kusht;
4. të jetë me i kujdesshëm me sjelljet e tij në të ardhmen.

Udhëzim për Qendrën Korrektuese:

Qendra Korrektuese ku personi i dënuar është duke mbajtur dënimin duhet të ndërmarr veprimet si në vijim:

- I.** kompletin shtojcën 2 të rregullores – Komunikimi i liritimit me kusht gjykatës kompetente;
- II.** kompletin shtojcën 3 të rregullores – Komunikimi i liritimit me kusht Policisë së Kosovës;
- III.** kompletin shtojcën 4 të rregullores – Komunikimi i liritimit me kusht Shërbimit Sprovues;
- IV.** i shpjegon personit të dënuar plotësisht kushtet e liritimit, përkatësisht obligimet ligjore mbi zbatimin e vendimit, kushtet mbi raportimin dhe pasojat e veprave të tjera.

Udhëzim për Drejtorinë Regjionale të Shërbimit Sprovues:

Drejtoria Regjionale e Shërbimit Sprovues duhet të ndërmarr veprimet si në vijim:

- I.** Drejtoria përkatëse regjionale e Shërbimit Sprovues duhet që të njoftoj Panelin me raport për fillimin e mbikëqyrjes në afat prej pesëmbëdhjetë (15) ditë punë nga data e liritimit të

personit të dënuar, si dhe të e mbaje të informuar panelin me raporte periodike deri në datën e përfundimit të dënimit.

- II. Zyrtari Sprovues udhëzohet që të fokusohet mbi orientimin e të liruarit me kusht në kuptim të respektimit të kushteve të caktuara sipas aktvendimit të Panelit. Duke u bazuar në datën e përfundimit të dënimit për të dënuarin, ai do lirohej me datë 14.09.2024. Rekomandohet që i liruari të mban me vete aktvendimin mbi lirimin me kusht gjatë tërë kohës deri në skadimin e lirimit të tij me kusht, që është caktuar me datë 14.09.2024.

Personi i cili është liruuar me kusht është i njoftuar me faktin se:

- Lirimi me kusht mund të revokohet, dhe në disa raste duhet të revokohet, nëse i dënuari, gjatë lirimit me kusht kryen një apo me shumë vepra penale, neni 91 i Kodit Penal të Republikës së Kosovës – Kodi nr. 06/L-074;
- I liruari me kusht është i obliguar që të njoftoj Policinë dhe Shërbimin Sprovues brenda pesë (5) ditëve të lirimit, për vendqëndrimin e përkohshëm të tij apo saj gjatë periudhës së lirimit me kusht;
- Personi i liruuar me kusht është i obliguar që të raportoj në Shërbimin Sprovues gjatë periudhës së lirimit me kusht;
- Nëse i liruari me kusht e ndërron vendbanimin, është i obliguar që të njoftoj Policinë dhe Shërbimin Sprovues;
- Nëse dështon të informoj apo raportoj siç u cek më lartë, Paneli mund t'a revokoj vendimin për lirim me kusht, neni 119 paragrafi 4 i Ligjit nr. 08/L-132 për Ekzekutimin e Sanksioneve Penale lidhur me nenin 27 të Rregullores Nr. 12/2023 për Punën e Panelit për Lirim me Kusht.

Nga sa u tha si më lartë, në bazë të nenit 20 par. 2 pika 2.1 të Rregullores Nr. 12/2023, u vendos si në dispozitivin e këtij aktvendimi.

**PANELI PËR LIRIM ME KUSHT
PLK. D. nr. 51/24, dt. 20.02.2024**

U.d. Koordinatore e Panelit

Kryesuese e Panelit

Mersime Mehmeti

Valdete Daka

Këshilla Juridike: Kundër këtij aktvendimi nuk është e lejuar ankesa.